



**MEMORANDUM O RAZUMIJEVANJU
IZMEĐU
RAZVOJNOG PROGRAMA UJEDINJENIH NACIJA
I
OPŠTINE PELAGIĆEVO**

Ovaj Memorandum o razumijevanju (u daljem tekstu „Memorandum“) se zaključuje između Razvojnog programa Ujedinjenih nacija (u daljem tekstu „UNDP“), organa Ujedinjenih nacija, kao međuvladine organizacije osnovane od strane država članica sa sjedištem u New York, NY (USA) i Opštine Pelagićevo („Opština“). Gdje se UNDP i Opština Pelagićevo u daljem tekstu pojedinačno nazivaju „Strana“, a zajednički nazivaju „Strane“.

BUDUĆI DA, UNDP u mnogim aspektima služi kao operativni organ Ujedinjenih nacija na nivou države i saraduje s partnerima u brojnim zemljama na promovisanju održivog razvoja, iskorjenjenja siromaštva, jačanje otpornosti lokalnih zajednica.

BUDUĆI DA je UNDP putem svoje kancelarije u Bosni i Hercegovini (UNDP BiH), zainteresovan da podrži pristup pravdi i sigurnosti; dobroj upravi, ekonomskom razvoju, preduzetništvu i stvaranju novih radnih mjesta; zaštiti životne sredine i energetska efikasnost, smanjenju rizika od katastrofa i socijalnoj uključenosti.

BUDUĆI DA je Opština Pelagićevo zainteresovana za unaprijeđenje kvaliteta života građana kroz bolji kvalitet usluga lokalnih zajednica; otvaranje novih radnih mjesta, ekonomski razvoj i poboljšano poslovno okruženje; stvaranje partnerstava sa socioekonomskim akterima; jačanje otpornosti lokalnih zajednica; osnaživanje zajednice i održivo upravljanje okolišom.

BUDUĆI DA strane dijele slične misije i želju da saraduju u oblastima od zajedničkog interesa s ciljem poboljšanja učinkovitosti njihovih razvojnih napora.

STOGA, DAKLE, strane su saglasne saradivati kako slijedi:

**Član I
Svrha i okvir**

Svrha ovog Memoranduma je da obezbijedi okvir i olakša saradnju između Strana, na neisključujućoj osnovi, u oblastima zajedničkog interesa.

Pored toga, ciljevi i očekivani rezultati saradnje, koji su predviđeni ovim Memorandumom su izvedeni iz ciljeva postavljenih u relevantnim strateškim dokumentima Bosne i Hercegovine, Okvirom razvojne pomoći Ujedinjenih naroda - UNDAF za period 2015-2020 te UNDP Programskim dokumentom za BiH.

Član II Oblasti saradnje

Strane su saglasne da sarađuju u sljedećim oblastima djelatnosti:

- 1 **Pravda i sigurnost:** saradnja i zajednički rad na unaprijeđenju pristupa javnim uslugama što će omogućiti bolji pristup pravdi i poštivanje ljudskih prava, posebno za ranjive grupe stanovništva. Zajednički rad i realizacija aktivnosti koje doprinose smanjenju rizika i prijetnji od prirodnih nesreća i negativnih posljedica rata, kao što je oružje, artiljerija i mine, te poboljšanje sigurnosti zajednica.
- 2 **Dobra uprava:** u bliskom partnerstvu sa svim relevantnim institucijama lokalne uprave kontinuirano rade na jačanju institucionalnih kapaciteta za planiranje, finansiranje i upravljanje lokalnim razvojnim politikama i prioritetnim projektima, istovremeno poboljšavajući kvalitet javnih usluga za građane i unapređenje lokalne infrastrukture, osiguravajući na taj način odgovorno, efikasno i transparentno upravljanje koje karakteriše partnerstvo sa civilnim društvom, privatnim sektorom i lokalnim zajednicama, a vođeno konkretnim razvojnim rezultatima koji poboljšavaju kvalitetu života.
- 3 **Ekonomski razvoj, preduzetništvo i stvaranje novih radnih mjesta:** saradnja i intervencije koje doprinose kreiranju novih radnih mjesta, stvaranju prihoda i ekonomskog rasta na lokalnom nivou. Zajednički rad na poboljšanju poslovnog okruženja, povećanju konkurentnosti privatnog sektora i ohrabrivanje produktivnog javno-privatnog dijaloga.
- 4 **Zaštita životne sredine i energetska efikasnost:** saradnja, tehnička podrška i zajednički napori, koji doprinose održivom upravljanju prirodnim resursima, kreiranju i realizaciji intervencija u području energetske efikasnosti, kao i unaprijeđenju investicijskog okruženja za „zelene“ solucije i „zelena“ radna mjesta.
- 5 **Smanjenje rizika od katastrofa i jačanje otpornosti lokalnih zajednica:** pružanje podrške u uključivanju pitanja smanjenja rizika od katastrofa u lokalne strategije i planove; izgradnja kapaciteta za spremnost i odgovor na katastrofe; pružanje pomoći u procjeni rizika od katastrofa koristeći nove tehnologije, pružanje podrške u tehničkim ulaganjima za jačanje otpornosti lokalnih zajednica.
- 6 **Socijalna uključenost:** zajednički rad u cilju povećanja socijalne uključenosti, kao i podrška programima za pružanje socijalnih usluga najranjivijim grupama stanovništva. Dodatno, aktivnosti na jačanju šireg pristupa osnovnim socijalnim i zdravstvenim uslugama, poticanju ambijenta za procese bazirane na ljudskim pravima, jednakosti spolova i jačanju uloge žena.

Član III

Proces konsultacija i razmjene informacija

- 3.1. Strane će se međusobno redovno izvještavati i konsultovati po pitanjima od zajedničkog interesa, a koja po njihovom mišljenju vjerovatno mogu dovesti do međusobne saradnje.
- 3.2. Konsultacije i razmjena informacija i dokumenata na osnovu ovog Memoranduma neće dovesti u pitanje odredbe o zaštiti povjerljivosti i ograničenoj prirodi određenih informacija i dokumenata. Takve odredbe će ostati na snazi i nakon okončanja važenja ovog Memoranduma i bilo kojih sporazuma potpisanih od Strana u okviru ove saradnje.
- 3.3. Periodično, kada se to bude smatralo prikladnim, Strane će sazivati sastanke radi pregleda ostvarenih rezultata u aktivnostima koje se provode na osnovu predmetnog Memoranduma, te u cilju planiranja budućih aktivnosti.
- 3.4. Jedna Strana može pozvati drugu da pošalje svoje posmatrače kao učesnike na sastancima ili konferencijama koje ista saziva ili održava pod svojim pokroviteljstvom, a koji mogu biti od interesa za drugu stranu. Pozivnice su predmet procedura koje se primjenjuju za takve susrete ili konferencije.

Član IV

Promocija

Strane su saglasne o potrebi promovisanja partnerstva, te time i saglasne da istaknu ulogu i doprinos svake od Strana u svim dokumentima namijenjenim javnosti i da koriste naziv i grb organizacije u dokumentaciji koja se odnosi na saradnju, a u skladu s važećim pravilima svake od Strana i na osnovu prethodne pismene saglasnosti svake Strane.

Član V

Trajanje, raskid, izmjene i dopune

- 5.1 Predložena saradnja prema ovom Memorandumu nije isključiva i traje inicijalno dvije godine od datuma stupanja na snagu, kako je definisano članom VIII (Stupanje na snagu), osim ako bilo koja od Strana istu prethodno raskine putem pisane obavjesti drugoj Strani s rokom od dva (2) mjeseca. Strane se mogu složiti da pismeno produže trajanje ovog memoranduma na dodatni period od jedne godine.
- 5.2 Raskid ovog Memoranduma neće uticati na druge sporazume koji se odnose na predmet ovog Memoranduma, koji će, osim ako se ne raskinu ili isteknu, nastaviti da regulišu odnos između Strana u skladu sa njihovim uslovima.

5.3 Izmjene i dopune ovog memoranduma vrše se isključivo na osnovu zajedničkog pismenog sporazuma između Strana.

Član VI

Pravne odredbe koje se odnose na sprovođenje Memoranduma

6.1 Unatoč sadržaju ovoga Memoranduma, (a) ovaj Memorandum predstavlja izraz namjere, i nije pravno obvezujući dokument; (b) ništa od ovdje navedenog se neće tumačiti kao stvaranje pravne, finansijske ili druge obaveze; (c) ništa ovdje navedeno se neće tumačiti kao stvaranje zajedničkog ulaganja, a niti jedna Strana neće djelovati kao posrednik, zastupnik ili zajednički partner druge Strane; (d) sve aktivnosti UNDP-a koje su predviđene ovim Memorandumom zavise od raspoloživosti finansijskih sredstava; (e) sva sredstva koja UNDP zaprimi će se koristiti, i sve aktivnosti UNDP-a u skladu sa ovim Memorandumom će se sprovoditi, na osnovu projektnih dokumenata dogovorenih između UNDP-a i relevantne vladine institucije u skladu sa primjenjivim UNDP regulativama, pravilima, politikama i procedurama; i (f) svaka Strana biće odgovorna za vlastita djela i propuste u vezi s ovim Memorandumom i njegovim sprovođenjem.

6.2 Opština Pelagićevo tvrdi da ima sva potrebna ovlaštenja i pravne kapacitete za potpisivanje ovog Memoranduma i izvršenje obaveza koje su ovdje navedene.

6.3 U slučaju neslaganja između bilo kojeg stava ovog člana VI i stavova ostalih članova Memoranduma, član VI biće obavezujući.

Član VII

Povlastice i imuniteti

Ništa u ovom Memorandumu ili u vezi s njim neće se smatrati odricanjem, izričitim ili podrazumjevanim, bilo koje od privilegija i imuniteta Ujedinjenih nacija, uključujući i njihove područne organe.

Član VIII

Stupanje na snagu

Ovaj memorandum stupa na snagu na dan potpisivanja obje Strane (datum stupanja na snagu).

U POTVRDU NAVEDENOM, ovlašteni predstavnici Strana stavljaju vlastoručni potpis.

U IME UNDP-a:

Gđa. Steliana Nedera

Rezydentna predstavica

24. oktobar 2019.godine

U IME Opštine Pelagićevo:

G. Simo Stakić

Načelnik

24. oktobar 2019. godine